

Til Bygdeutviklingsutvalet

Søknad om midlar til bygging av tretelt ved Skarvatnet

Bergsdalen bygdelag er i år tekne opp i LivOgLyst programmet til fylkeskommunen. Me avslutta forprosjektet vårt til nyttår, der me har lagt ein del planar framover. Me vil satse på bulyst, samhald, trivsel, reiseliv og kultur.

Me har etter kvart fått mange hytter i byda, og me har mange tilreisande turistar sommar og vinter. Folk som kjem til dalen, kjem for å nyta den flotte naturen. Eit par turruter er svært populære, og turlagshyttene er nok grunnen til det. Vårt ynskje er at noko av denne trafikken skal fordela seg meir, og at større delar av dalen vert teken i bruk. Det finns mange turar å gå, men dei må gjerast kjende.. Dette er noko vi skal jobbe vidare med framover.

Bergsdalsfjella inneheld mange fiskevatn og flotte jaktområder. Som ein begynnelse i det pågåande prosjektet, ynskjer me no å sette opp to stk «Tretelt»

Konseptet her er ei lita trehytte, bygd som eit trekanta telt, 2*3,7m. Her skal folk kunne gå inn å overnatte i ly for vær og vind. Som eit prøveprosjekt vil vi sette opp to slike «telt» ved to forskjellige fjellvatn. Grunneigar er positiv til dette, og avtale er gjort.

Ved å bruke desse tretelta, kan ein nyte fisketuren om dagen, sitja på trammen og nyta nysteikt fisk, for so å krypa i soveposen utan at vinden truar med å stikke av med teltet.

Hytta skal være eigenprodusert frå idè til utførelse. Den skal byggjast på staden på dugnad. Laget skal stå for alt av vedlikehald og med jamnleg tilsyn.

Budsjett

Materiell 2 stk à 15000,-	30.000,-
Arbeid 45 t	13.500,-
SUM	43.500,-

Me har tru på at dette kan bli eit populært tiltak som kan komma mange til nytte. Me håpar at Bygdeutviklingsutvalet vil støtta oss med midlar til dette prosjektet. Me søker med dette om eit tilskot på kr 15.000,-

Teikning av treteltet ligg som vedlegg.

Mvh Bergsdalen bygdelag

v/Anne Hilde Fosse Osvold

ahfo69@gmail.com